



*Agency for Development of Higher Education and Quality Assurance*

**Saopštenje sa 24. sjednice Upravnog odbora Agencije za razvoj visokog obrazovanja i osiguranje kvaliteta**

održane 07.10. i 16.12.2013. godine u Banjaluci

24. sjednica Upravnog odbora Agencije za razvoj visokog obrazovanja i osiguranje kvaliteta održana je 07.10. i nastavljena 16.12.2013. godine u Banjaluci.

Prvim dijelom sjednice je predsjedavao predsjednik prof. dr. Ivo Rozić, da bi u nastavku sjednice predsjedavanje preuzeo novoizabrani predsjednik prof. dr. Stevo Pašalić. Na sjednici je usvojen novi Poslovnik o radu Upravnog odbora Agencije, te je u skladu sa članom 9. Poslovnika izvršena rotacija u predsjedavanju tako da je novi predsjednik iz reda srpskog naroda prof. dr. Stevo Pašalić, a potpredsjednici iz reda hrvatskog i bošnjačkog naroda, prof. dr. Ivo Rozić i prof. dr. Aida Abadžić-Hodžić.

Članovi Upravnog odbora Agencije, između ostalog, razmatrali su informaciju o izdatim preporukama Agencije i procesu akreditacije. Upravni odbor zatražio je od nadležnih obrazovnih vlasti koje nisu donijele pravilnike o akreditaciji da to što hitnije urade. Neizvršavanje ove obaveze predstavlja zaustavljanje procesa akreditacije u kojem svaki od učesnika treba imati jasno definisanu odgovornost propisanu odgovarajućim aktom nadležne obrazovne vlasti.

U usvojenim zaključcima, Upravni odbor ističe da mora biti uključen u postupke imenovanja komisija stručnjaka, davanja preporuke nadležnim obrazovnim vlastima o akreditaciji visokoškolske ustanove na osnovu mišljenja komisije stručnjaka te ocjene usklađenosti rješenja o akreditaciji s minimalnim standardima i normama.

Upravni odbor Agencije nije prihvatio zahtjev Agencije za akreditaciju visokoškolskih ustanova Republike Srpske za stavljanje van snage Odluke o normama kojima se određuju minimalni standardi u podrčju visokog obrazovanja u Bosni i Hercegovini. Članovi Upravnog odbora istakli su da djeluju u skladu sa Okvirnim zakonom o visokom obrazovanju u Bosni i Hercegovini kojim je, između ostalog, propisana nadležnost Agencije za donošenje normi kojima se određuju minimalni standardi u području visokog obrazovanja.

Na sjednici je inaugurisan novoimenovani član UO iz reda bošnjačkog naroda Zoran Selesković.